

Talamdan
sa Mga Mensahe alang sa Full-time Training
sa Fall Term sa 2025

LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
FILIPOS UG COLOSAS

Mensahe 8

Makat-on sa Sekreto sa Paghimo sa Tanang Butang diha ni Cristo nga Naggahom Nato
aron Ikinabuhi Nato si Cristo, Ipadako si Cristo, ug Mabatanon si Cristo
aron Mahimaya Siya diha sa Iglesia

Basahong Kasulatan: Fil. 1:19-21a; 2:2; 4:8, 11-13

I. Nakat-on si Pablo sa sekreto sa paghimo sa tanang butang diha ni Cristo nga naggahom nato—Fil. 4:11b-13; *Mga Alawiton*, #564:

- A. Sa nakabig na si Pablo ngadto ni Cristo, gipasulod siya ngadto ni Cristo ug sa Lawas ni Cristo; nakat-onan dayon niya ang sekreto sa paghimo kang Cristo nga iyang kinabuhi (Col. 3:4), sa pagkinabuhi kang Cristo (Fil. 1:21a), sa pagpadako kang Cristo (v. 20), sa pagpakabaton kang Cristo (3:8, 12), ug sa pagkinabuhi sa iglesiahanong kinabuhi (1:8, 19; 2:1-4, 19-20; 4:1-3).
- B. Hingpit gyong naa si Pablo kanhi sa Judiohanong relihiyon ubos sa kasugoan ug kanunayng nakaplagan sa uban diha sa kasugoan, apan sa pagkakabig niya nabalhin siya gikan sa kasugoan ug sa kanhing relihiyon niya ngadto ni Cristo ug nahimong “tawo nga naa ni Cristo”—2 Cor. 12:2a.
- C. Karon naglaom siya nga makaplagan diha ni Cristo sa tanang naniid niya; nagpakita kini nga nagtinguha siya nga mahumol diha ni Cristo ug masuropan Niya ang tibuok niyang pagkatawo aron makaplagan siya sa tanang naniid niya nga hingpit gyod siyang naa ni Cristo; sa diha lang makaplagan ta diha ni Cristo nga mapadayag ug mapadako Siya—Fil. 3:9a; 1:20.
- D. Sa usa ka bahin, tungod sa paggahom ni Cristo makakinabuhi ta sa nakontentong kinabuhi (4:11-12); sa laing bahin, tungod sa paggahom ni Cristo mahimo tang tinuod, halangdon, matarong, putli, hiligugmaon, ug dinayeg (v. 8).
- E. Naggahom si Cristo kanato aron ikinabuhi nato Siya nga atong tawhanong maayong kagawian ug tungod niana mapadako Siya diha sa Iyang walay kinutobang pagkadako; ang pagkinabuhi ning maayong kagawian labi pa kalisod kaysa pagbuhat og Cristohanong buhat—1:20.

II. Sa nituo ta ug nabautismohan, gibutang ta nganha ni Cristo (1 Cor. 1:30; Rom. 6:3; Gal. 3:27); kat-onan gyod nato karon ang sekreto sa pagpabilin diha Niya nga naggahom nato; ang pagpabilin diha ni Cristo pagpuyo man diha Niya, kanunay nga makig-ambitay Niya, aron masinati ug mapahimuslan nato ang pagpabilin Niya kanato (Juan 15:4-5):

- A. Ang pagpabilin nato ni Cristo, naghimo Niyang puluy-anan nato, ug papabilinon Siya kanato, himoon tang puluy-anan Niya, pagkinabuhi man diha sa realidad sa unibersohanong panagtagik sa nahikay ug nahingpit nga Tulo-usang Dios ug sa gitubos ug gianak pag-usab nga mga magtutuo—14:2, 10-11, 17, 20, 23; Bug. 21:3, 22; Exo. 16:32-34; Heb. 9:4; Bug. 2:17.
- B. Magpabilin gyod ta ni Cristo nga atong Hari ug atong harianong puluy-anan aron makapabilin Siya nato para himoon tang Iyang rayna ug harianong palasyo, Iyang mahimayaong iglesia—Sal. 45:13, 8; Juan 15:4-5; Efe. 5:27; Bug. 22:5; Rom. 5:17; itandi sa A. A. 6:4:

1. Ang pagpabilin nato ni Cristo pagpuyo man nato diha Niya, nga walay kataposang Dios, nga atong Ginoo, magkinabuhi ta diha Niya ug himoon Siyang tanan nato—Juan 15:4-5; 1 Juan 4:15-16; Bug. 21:22; Deut. 33:27a; Sal. 90.
 2. Magpuyo gyod ta diha sa Dios, magkinabuhi diha Niya matag minuto, kay sa gawas Niya dunay kasal-anan ug kasakitan—vv. 3-11; Juan 16:33.
 3. Ang paghimo nato sa Dios nga puy-anan nato, ang walay kataposang puluy-anan nato, mao ang kinalabwan ug kinahingpitang pagsinati nato sa Dios—Sal. 91.
- C. Magpabilin ta ni Cristo aron magpabilin Siya kanato sa paghigugma nato Kaniya—Juan 14:21, 23:
1. Kon mahigugma ta ni Ginoong Jesus, ipadayag Niya ang Iyang Kaugalingon kanato, ug moanhi ang Amahan uban Niya aron maghimog puluy-anan uban nato aron makapahimulos ta; masigka-puluy-anan kining puluy-anana diin nagpabilin kanato ang Tulo-usang Dios ug nagpabilin ta diha Niya—v. 23.
 2. Labi tang mahigugma sa Ginoo, labi sab nga maanaa nato ang presensya Niya; ug labi nga maanaa ta sa Iyang presensya, labi sab nga mapahimuslan nato ang tanang pagkamao Niya alang nato; ang pahiuli sa Ginoo pagpahiuli man sa paghigugma nato ni Ginoong Jesus—1 Cor. 2:9-10; Efe. 6:24.
- D. Magpabilin ta ni Cristo aron magpabilin Siya kanato sa pagtagad nato sa pagtudlo sa sulod sa malangkobon-sa-tanan nga pagdihog—1 Juan 1:5, 7; 2:20, 27:
1. Si Cristo nga Ulo mao ang Dinihogan ug ang Nagdihog, ug kita ang mga bahin Niya nga nagpahimulos Niya nga pagdihog sa sulod aron matuman ang Iyang tuyo—Heb. 1:9; 3:14; 2 Cor. 1:21-22.
 2. Ang pagdihog, nga paglihok ug pagbuhat sa sinagol nga Espiritu sa atong sulod, nagdihog sa Dios nganhi nato aron masuroman ta sa Dios, mapanag-iyang nato ang Dios, ug makasabot ta sa hunahuna sa Dios; gipaambit sa pagdihog ang hunahuna ni Cristo nga Ulo sa Lawas ngadto sa Iyang mga bahin pinaagi sa pagbati sa sulod, sa pamatyag sa sulod, sa kinabuhi—Sal. 133; 1 Cor. 2:16; Rom. 8:6, 27.
 3. Kon gusto sa Ulo nga molihok ang bahin sa Lawas, ipaila Niya kini pinaagi sa pagdihog sa sulod, ug sa mosugot ta sa pagdihog, gawasnong moagay ang kinabuhi gikan sa Ulo nganhi nato; kon mosupak ta sa pagdihog, maulang ang relasyon nato sa Ulo, ug mohunong ang agay sa kinabuhi sa atong sulod—Col. 2:19.
 4. Kon mabatokan sa krus ang natural natong kinabuhi ug kon magpasakop ta sa pagkaulo ni Cristo ug magkinabuhi sa kinabuhi sa Lawas, maato ang pagdihog sa Espiritu ug makapahimulos ta sa pakig-ambitay sa Lawas—Efe. 4:3-6, 15-16; 2 Cor. 2:12-15.
- E. Magpabilin ta ni Cristo aron magpabilin Siya kanato sa pagtagad nato sa permanenteng pulong sa Kasulatan, nga naa sa gawas nato, ug sa naa-karon nga pulong nga mao ang Espiritu, nga naa sa sulod nato—Juan 5:39-40; 6:63; 2 Cor. 3:6; Bug. 2:7:
1. Tungod sa naa sa gawas nga sinulat nga pulong duna tay pagpatin-aw, pagbatbat, ug pagpadayag sa mysteryosong Ginoo, ug tungod sa naa sa sulod nga buhing pulong duna tay pagsinati sa nagpabiling Cristo ug sa presensya sa praktikal nga Ginoo—Efe. 5:26; 6:17-18.
 2. Kon magpabilin ta sa permanente ug sinulat nga pulong sa Ginoo, magpabilin kanato ang diha diha ug buhing mga pulong Niya—Juan 8:31; 15:7; 1 Juan 2:14.
 3. Magpabilin ta Niya ug magpabilin ang Iyang mga pulong kanato aron makapamulong ta diha Niya ug makapamulong Siya diha nato aron matukod ang Dios nganha sa tawo ug ang tawo ngadto sa Dios—Juan 15:7; 2 Cor. 2:17; 13:3; 1 Cor. 14:4b.
- F. Mga tinun-an, mga magtutuo, ang mga magtutuo nga nagkat-on sa sekreto, nga mao ang pagkat-on kang Cristo maingon nga naa ni Jesus ang realidad sa pagpagiya nila sa Espiritu sa

realidad ngadto sa tanang realidad sa aktwal nga kahimtang sa kinabuhi ni Jesus ingon sa nasulat sa upat ka Ebanghelyo, sa kinabuhi nga niini nagbuhat si Jesus sa tanan diha sa Dios, uban sa Dios, ug alang sa Dios; naa sa Iyang pagkinabuhi ang Dios, ug nausa Siya sa Dios—Juan 16:13; Efe. 4:20-21:

1. Natinun-an ang mga magsusunod ni Cristo pinaagi sa pagkinabuhi ni Cristo ingog tawo dinhi sa yuta isip sumbanan sa Dios-tawo—nagkinabuhi sa Dios sa pagdumili Niya sa Iyang Kaugalingon diha sa Iyang pagka-tawo (Juan 5:19, 30), nag-usab pag-ayo sa ilang hunahuna kalabot sa tawo (Fil. 3:10; 1:21a).
2. Kay gikinabuhi man ni Cristo ang Dios sa pagdumili Niya sa Iyang Kaugalingon diha sa Iyang pagka-tawo, “nakat-on Siya sa pagsugot tungod sa mga butang nga Iyang giantos” (Heb. 5:8), “nagmasinugtanon bisan ngadto sa kamatayon, ug kana sa kamatayon sa krus” (Fil. 2:8).
3. Makat-on ta ni Cristo (Mat. 11:29) sumala sa Iyang panig-ingnan, dili pinaagi sa natural natong kinabuhi kondili sa kinabuhi Niya sa pagkabanhaw, nga kinabuhi sa pagsugot; ang tinun-an tawo nga nagkinabuhi sa diosnong kinabuhi diha sa iyang tawhanong kinabuhi.
4. “Mga 18 ka tuig nga naa ko sa pahiuli naniid sa ginawian ni igsoong Watchman Nee. Tanang napanid-an nako niya nahimong mga butang nga naghimo nakong tinun-an” (*The Collected Works of Witness Lee, 1994–1997*, vol. 5, “The Vital Groups,” p. 76).

III. Ang pagkat-on sa sekreto sa paghimo sa tanang butang diha ni Cristo nga naggahom nato mao ang “[pag]-ampo aron makig-ambitay ni Jesus” (*Mga Alawiton*, #784); ang pag-among makakontak sa Dios hinimo sa mga pulong nga tinuod nga gipamulong gikan sa kasingkasing:

- A. Naa tingali ta sa kahimtang nga naguol, nasubo, ug nahigawad; dad-on gyod nato ang atong mga problema sa Ginoo ug sultian Siya bahin niini; Siya ang labing maayong mamiminaw; nasayod Siya sa atong gibati, ug makasimpatiya Siya sa atong kasingkasing; makalipay ug makatabang Siya nato.
- B. Makaamgo gyod unta ta nga kon duna tay maayo kaayong pakigsultianay sa Ginoo ug ibubo nato ang atong kasingkasing Kaniya, moabante pa gyod ang atong kasuod Niya, ug labi pa gyod tang makaila Niya; ang suod nga pagkontak nato Kaniya ning mga higayona usa ka gatos ka pilo kamaayo kaysa ordinaryong pakig-ambitay nato Kaniya; pinaagi man niining mga pagkontak nga motubo ta sa kinabuhi—Sal. 62:6-8; 56:8; itandi sa 1 Sam. 1:15.
- C. Kon wala pa sukad mohilak atubangan sa Ginoo ang tawo, wala pa sukad mopakig-ambit sa Ginoo sa iyang kalipay o kaguol, ug wala pa sukad makigsultianay sa Ginoo kalabot sa personal niyang mga butang, wala pa siya sukad suod nga makapakig-ambitay sa Ginoo, ug wala pa siya sukad lalom nga makaila sa Ginoo; masuod lang sa Ginoo ang tawo pinaagi sa pagsulti niya Kaniya sa tanan.
- D. Makasimpatiya Siya sa tanang problema nato; andam mopas-an ang Ginoo sa tanan natong kabalaka, ug malipay Siyang mamati sa atong ipamulong; aron makapahimulos ta Niya nga buhing tubig sa kinabuhi, sultian gyod nato Siya nga espirituhanong dakong bato nato—Num. 20:8; 1 Cor. 10:4; Exo. 17:6; *Mga Alawiton*, #248.
- E. Niingon ang ulohan sa Salmo 102 nga, “Pag-ampo sa tawong gisakit, sa dihang naluya siya ug gibubo ang iyang gimulo sa atubangan ni Jehova”; magmulo tingali ta sa Dios, apan ang pagmulo nato mao tingali ang kinamaayohang pag-ampo, ang pag-ampo nga labing makapahimuot sa Dios; samtang nagmulo ta, nagkalipay ang Dios kay gipabuhay man Niya ang tanang butang alang sa ikaayo nato aron masama ta sa dagway sa Iyang Anak—Rom. 8:28-29.

F. Rekord ang Salmo 73 sa kinasingkasing nga pag-ampo sa salmistang matinguhaon nga halos napandol sa kaugalingon niyang pag-antos ug sa pagkamauswagon sa mga daotan; giisip niya nga kawang ang pagputli niya sa iyang kasingkasing tungod kay imbis magpahimulos og materyal nga pag-uswag, gihampak siya sa tibuok adlaw ug gikastigo siya matag buntag—vv. 12-16:

1. Nakaplagan sa salmista didto sa balaang puluy-anan sa Dios ang sulbad sa kalibog niya (v. 17); naa sa atong espiritu ang balaang puluy-anan sa Dios, ang gipuy-an Niya (Efe. 2:22), ug kini ang iglesia (1 Tim. 3:15); diha sa atong espiritu ug sa iglesia mapadaygan ta sa diosnong pinadayag ug makabaton og katin-awan sa tanan natong problema (Sal. 73:25-26).
2. Tuyo sa Dios sa mga matinguhaon Niya nga makaplagan nila ang tanan diha ni Cristo ug dili sila masimang gikan sa hingpit nga pagpahimulos kang Cristo; ang kinataposang tinguha sa Dios sa Iyang pamatigayon kana mang ikinabuhi nato si Cristo, ipadako si Cristo, ug mabatonan si Cristo aron mahimaya Siya diha sa iglesia—Fil. 1:19-21a; 3:7-8; Isa. 43:7; 1 Cor. 10:31; 6:20; 1 Ped. 4:11; Efe. 3:16-21.